


www.BibleForChildren.org

Rutu 1



Aitiutiu tale kosa ateva,
Vau palepale ghe gheleila
eunaakookoo me
kosa akapa ateva.



Me kosa akapa ateva karika
ghe tokatoka nongina ita
taataraiia ghaine, karika. Ghe
nim tokatoka me taatarane
isaa ppae. Karika righi voto
etana, saurrom ateva
ghe aakou epona tale
malionge ateva, me
spiriti eteva ta God ghe
aikasuaa epona tale
manu
eteva.



Me God ghe uela va, “Tau vella mallanga ateva emae.”
Me ghe mallangala. Mallanga ateva ghe aseala va “Ilaa
ia”, me saurrom ateva ghe aseala va “voo ia”. Ghe
voola me ghe paila, ia o nau eteva aitiutiu ia.



Me God ghe uela va, “Tau vella ailongota ngateva easo eailongota manu ngepona tale manu ngeuu.” Ailongota ngateva ghe aseala va “elomarase”. Me ghe voola me ghe paila, ia o nau eteva aiaaghaluene ia.




Me God ghe uela va, “Tau vella manu tale pake ngelomarase elao aitaua tale kativilau pai, me tau vella kosa ateva ematia.” Me isaa o voto ghe lutula. God ghe aseala mati etivilau va “kosa ia,” me pai etivilau manu etoa laghe lao aitaua sio etana, ghe aseala va “manu ia.” Me God ghe tarala va masina.



Vara me God ghe uela va, "Tau vella kosa ateva
eaapinosa asease voto epiipinosa tale kosa ateva,
nongina voto ghauna ekuukuneeaa katuna,
me ai etoa la kuukuneeaa ue
ngai, me isaa o asease voto
epiipinosa la tani
kuneeaa ueira."



Me isaa o voto ghe lutula. Me ghe voola me ghe paila,
ia o nau eteva aiaakotolu ia.




God ghe gheleila ghalua kinatama mallanga,
namu ngateva mallanga tani aitara ella,
me ghauna ateva tani aitara eleivoo.
Me ghe ghelei teela katto atoa.
Me ghe voola me ghe paila, ia o nau
eteva aiaaghaatane ia.



Me God ghe uela va, “Tau vella manu eteva eaoro asease voto atoa mauue ila, me tau vella ghila atoa la loo longoti tale ailongota ngateva elomarase.” Me ghe voola me ghe paila, ia o nau eteva aiaaghalimane ia.




Me God ghe uela va, “Tau vella kosa ateva epasu tale asease ghaata kkena atoa, namuu ila me ghauna ila, la tani alutu natuira nongina ila, me mene kasina asease voto eaikasuaa see epona tale kosa ateva, me llo ghaata kkena aue la ghaaitara, me llo karika.” Me isaa o voto ghe lutula.



Me God ghe uela va, “Ita ghelei taumattu tale tootooita, nongina ita, me tau vellala la ghaitaraa kko atoa elamana, me ghila atoa elomarase, me llo ghaata kkena pei naitaraa tale kosa ateva, me tale kosa akapa ateva, me isaa akapaaili asease voto atoa la aaikasuaa tale kosa ateva.” God ghe tarala isaa akapa voto ghe gheleila, me ghe tarala va masinaaili. Me ghe voola me ghe paila, ia o nau eteva aiaaghaonomina ia.



Vau ngepona laue ghe ghaala taumattu ngateva, me ghe atokaie ssola tale utana atingiu elden tani uungu etana, me tani aitarainia.



Me Vau ngepona laue ghe
aulia ngakororongana
ta taumattu ngateva va,
“Ue ngai tale isaa
akapaaili ai urooro tani
nama tale utana atingiu,
me karika poi umene
nama ue ngai tale llo
ateae ai tani kila masina
me sesa, ta nau eteva
unamaia, aue umate.”



Liuna avalua o me ghe asela
arariira isaa akapa ghaata kkena
atoa ita aaitara, me llo ita tam
aaitara, me ghila atoa elomarase.
Me ta Adam, karika ghe tarala
teva masi tau ngai sausina.



Vara me Vau ngepona laue ghe ghelei ellusu elokoila taumattu ngateva, nau eteva ghe asoaso me ghe ghaala kateae riu ngaasongina, me ghe mene ghelei rungaala tale malatauna nongina ghe ghaa vella riuna atea. Vara me Vau ngepona laue ghe gheleila vause ateva tale riu etea ghe ghaaiela tale taumattu ngateva, me ghe laoainie sio ta taumattu ngateva.



Liuna avalua o me taita ateva ekasu vuli
tamana me kinna, me elaa toka tee
vausenna ateva, me lalu kateva nonga.



Poli God ghe aaielousiangaili taumattu
tale kosa ateva oia, liuna avalua o me
ghe tau mae sio Natuna ateva, kateva
nonga ia, me see aue eaikaaiaa etana
karika aue emate, ta aue eghaa
maulue ateva etokatoka
nau ekapa atoa.



Rom 3:23 ta poli ita akapaaili ita ghe gheleila ssavoto, liuna avalua o me ita akapaaili masaueili ita tale salana ghulughuluena kannu God.

Rom 6:23 Poli aipolipolina ssavoto ateva nimate ia, me voto ateva God enim tautaue mae, maulue ateva tokatoka liu ia, ie ta Karisto Iesu Vauita ia.

Hibru 9:27 Nim nongina taumattu ngatoa aue la mate katengaata, me emulina aue la tingina tale niaisakei,

Ipises 2:8,9 Poli tale maamasinaane, am ghe saangala tale niaikaaiiaa, me karika va tale sarasarakaniaaimim, ta God ghe nim tau mae sio. Karika va am ghe uunguaala va am roo tani aasake.



Rom 10:9,10 Va, arova uaulia ngaotu tale paam ateva va, “Iesu ia Vau ngepona ia,” me uaikaaiaa tale urunguitanim ateva va God ghe totuela tale nimate, aue usaanga. Poli tale urunguitanim uaiesoaa me ughulughuluena ta matane God, me tale paam ateva uaulia ngaotu me aue usaanga.

Jon 3:16,17 Poli God ghe aaielousiangaili taumattu tale kosa ateva oia, liuna avalua o me ghe tau mae sio Natuna ateva, kateva nonga ia, me see aue eaikaaiaa etana karika aue emate, ta aue eghaa maulue ateva etokatoka nau ekapa atoa. Karika va God ghe suula Natuna tani sio tale kosa ateva oia tani ghelei niaisakei ta taumattu tale kosa ateva. Ghe sungiela tani sio asaangi taumattu.



1 Jon 5:11-13 Me inangari koronna isaa avalua toko, va God ang ghe tau mae sio etaita maulue ateva tokatoka liu ia, me ia o maulue ateva, ie ta Natuna. Lo ateva eaighui tee Natuna, eghaaghaa maulue ateva. Me lo ateva karika eaighui tee Natuna ateva God, karika aue eghaa maulue ateva. Apitipiti voto toko etaimim lo atoa am aaikaaiaa tale ararina atea Natuna ateva God tani gheleiem va am rooroo tani kila va maulue ateva tokatoka liu ia, ia etaimim.



Rutu 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Mussau-Emira Bible (emi) Copyright © 2018, Wycliffe Bible
Translators, Inc. All rights reserved.

<https://live.bible.is/bible/EMIWBT/RUT/1>

©2025 Bible for Children, Inc.

www.M1914.org

www.bibleforchildren.org

